

IZVJEŠTAJ ZA 2012. GODINU

Realizovani projekti u 2012. godini

IZGRADNJA I REKONSTRUKCIJA ULICA

U 2012. godini za izgradnju i rekonstrukciju ulica izdvojeno je više od 640.000 KM. Sanirane su i rekonstruisane ulice: Ferhadija, Kovači, Za Beglukom, Kamenica, Brajkovac, Sarajevskih gazija, Carina, Hladivode, Brdo džamija, Fadil-paše Šerifovića, Brusulje, Hadžidamjanova, požarni plato DVD "Vratnik", Hošin brijeg čikma, krak ulice Velika Berkuša, Mahmutovac, krak ulice Sedrenik, plato Mustaj-pašin mejdan, pristupna staza u ulici Trčivode i krak ulice Moščanica.

Ferhadija

Rekonstrukcija dijela centralne starogradske Ulice Ferhadija, od Tržnice do Ekonomskog fakulteta, je okončana u julu, 2012. godine i ovaj projekat sa oko 320.000 KM finansirala je Općina Stari Grad. Zamijenjene su sve podzemne instalacije, izljevena armirano-betonska podloga debljine deset cm na koju su postavljene granitne ploče debljine osam cm. Postavljena je i nova pahuljica, simbol XIV Zimskih olimpijskih igara održanih u Sarajevu. (SLIKA9)



Realizovani projekti u 2012. godini

Kovači

Sanirane su granitne kamene kocke u donjem dijelu Ulice Kovači. Na cijeloj dionici urađena je sanacija udarnih rupa, ručno su iskopane ulegnute kocke, te ugrađene nove u sloju pijeska s fugovanjem spojnica. Sanacija je urađena na površini od 120 kvadratnih metara, a izvođač radova je KJKP Rad. Općina je za ove radove izdvojila oko 7.500 KM.

Mustaj-pašin mejdan

Plato Mustaj-pašin mejdan, koji se nalazi u blizini Vijećnice, je asfaltiran krajem jula.

U sklopu projekta postavljen je novi tampon ispod platoa, slivne rešetke i šahtovi ugrađeni su na odgovarajuću visinu zbog pravilne odvodnje, postavljeni su novi ivičnjaci i na kraju novi asfalt debljine šest centimetara. Projekat je sa oko 10.000 KM finansirala Općina Stari Grad, a izvođač radova je bila firma KJKP „Rad“.



Realizovani projekti u 2012. godini

Za Beglukom

Novi asfalt postavljen je i u starogradskoj ulici Za Beglukom. Asfaltiranje Ulice Za Beglukom koštalo je oko 8.200 KM i finansijer je bila Općina Stari Grad. Izvođač radova bilo je KJKP "Rad".

Kamenica

Rekonstruisan je i dio ulice Kamenica u starogradskoj Mjesnoj zajednici Mahmutovac.

Ulica je sanirana u dužini od oko 70 metara i širini od oko 4,5 metra. Za ovaj projekat Općina Stari Grad je obezbijedila oko 23.000 KM, a izvođač radova bilo je KJKP "Rad".

Brajkovac

Asfaltirana je Ulica Brajkovac u starogradskoj Mjesnoj zajednici Širokača. Ulica Brajkovac asfaltirana je u dužini od 266 metara. U sklopu ovog projekta asfaltiran je i jedan njen makadamski krak koji je bio u lošem stanju. Općina Stari Grad je za ovaj projekat obezbijedila oko 35.000 KM.



Realizovani projekti u 2012. godini

Sarajevskih gazija

Ulica Sarajevskih gazija od broja 17 do broja 23 u Mjesnoj zajednici Moščanica asfaltirana je krajem jula, 2012. godine. Asfaltiranje ulice Sarajevskih Gazija finansirala je Općina sa 16.500 KM. Izvođač radova bio je KJKP "Rad" Sarajevo.

Carina

Ulica Carina u Starom Gradu je asfaltirana, a projekat je podrazumijevao skidanje starog sloja asfalta i kaldrme, izdizanje šahtova i rešetki za odvodnju i završno asfaltiranje. Asfaltirana je ulica u cijeloj dužini od oko 97 metara", pojasnili su u Službi za komunalne poslove i investicije Općine.

Općina Stari Grad je s oko 13.800 finansirala ovaj projekat, a izvođač radova je bila firma KJKP "Rad".

Hladivode

Asfaltirana je Ulica Hladivode (prema rezervoaru) u Mjesnoj zajednici Moščanica. Novi asfalt je postavljen u dužini oko 160 metara. Izvođač radova je bio KJKP „Rad“, a Općina Stari Grad je za ovaj projekat obezbijedila oko 16.500 KM.



Realizovani projekti u 2012. godini

Brdo džamija

Ulica Brdo džamija, koja je bila u dosta lošem stanju, dobila je novi asfalt. Sanirana je ulica dužine 106 i širine 2,5 metra. Izvođač radova je bila firma KJKP „Rad“, a Općina Stari Grad je za ove radove izdvojila oko 13.000 KM.

Fadil-paše Šerifovića

Rekonstruisana je i asfaltirana Ulica Fadil-paše Šerifovića u dužini od 177 metara. Projekat je sa oko 38.000 KM finansirala Općina Stari Grad.



Realizovani projekti u 2012. godini

Brusulje

Novi asfalt u ulici Brusulje postavljen je na dijelu ulice od broja 63 prema rezervoaru, odnosno na dijelu koji nikad nije imao asfalt. Ulica je asfaltirana u dužini od oko 150 i širini od 3,5 do četiri metra.

Projekat asfaltiranja Ulice Brusulje sa oko 23.500 KM finansirala je Općina Stari Grad, a izvođač radova je bila firma KJKP "Rad".

Hadžidamjanova

Asfaltiran je i slijepi krak ulice Hadžidamjanova u dužini od 126 metara. Asfaltiranje ove ulice bila je donacija firme KJKP "Rad", koja je ujedno bila i izvođač radova.



Realizovani projekti u 2012. godini

Požarni plato DVD "Vratnik"

Rekonstruisan je požarni odnosno prilazni put garažama Dobrovoljnog vatrogasnog društva "Vratnik". U sklopu ovog projekta kompletno je rekonstruisan požarni plato DVD "Vratnik" površine 170 metara kvadratnih. Požarni put bio je u lošem stanju i nije više mogao podnijeti saobraćanje cisterni teških 26 tona. Projekat popravke požarnog puta s oko 21.000 KM finansirala je Općina Stari Grad, a izvođač radova bio je KJKP "Rad".



Hošin brijeg čikma

Sanirana je ulica Hošin brijeg čikma do broja 54. Novi asfalt postavljen je u dužini od 70 i širini 3,4. metra. Projekat asfaltiranja Ulice Hošin brijeg čikma sa oko 9.500 KM finansirala je Općina Stari Grad, a izvođač radova je bila firma KJKP "Rad".



Realizovani projekti u 2012. godini

Velika Berkuša

Asfaltiran je krak ulice Velika Berkuša, čija je sanacija počela krajem maja 2012. godine. Sanirana je ulica dužine 48 i širine 2,6 metara. Izvođač radova je KJKP „Rad“, a Općina Stari Grad je za ove radove izdvojila 5.631 KM.

Mahmutovac

Sanirana su i asfaltirana dva dijela kaldrmisane ulice Mahmutovac u istoimenoj starogradskoj mjesnoj zajednici. Ulica asfaltirana u dužini od 112 i širini od 2,8 do 3,5 metara.

Projekat asfaltiranja ulice Mahmutovac sa oko 27.200 KM finansirala je Općina Stari Grad, a izvođač radova je bila firma KJKP “Rad”.



Realizovani projekti u 2012. godini

Sedrenik

Saniran je i asfaltiran makadamski krak Ulice Sedrenik kod rezervoara. Asfalt je postavljen u dužini od 136 metara i prosječnoj širini od oko 4,2 metra. Asfaltiranje ulice Sedrenik kod rezervoara s oko 28.000 KM finansirala je Općina, a izvođač radova bio je KJKP "Rad".

Popločavanje staze u ulici Trčivode

Popločana je pristupna staza u ulici Trčivode broj 42, u Mjesnoj zajednici Hrid - Jarčedoli. Projekat je podrazumijevao proširenje postojeće uske staze, ugradnju tvrde podloge, te postavljanje protivkliznih betonskih ploča i graničnih ivičnjaka. Ploče su postavljene u dužini od 105 metara i širini od oko 1,60 metara. Proširenje i popločavanje staze s oko 20.400 KM finansirala je Općina Stari Grad, a izvođač radova je bila firma "Ame" d.o.o. iz Breze.



Realizovani projekti u 2012. godini

Krak ulice Moščanica

Saniran je i uređen makadamski krak ulice Moščanica tj. prilazni put prema romskom naselju. Sanirana je površina od oko 35 metara kvadratnih. Projekat je sa cca 2.800 KM finansirala Općina Stari Grad, a izvođač radova bio KJKP "Rad".

Asfaltiranje i krpjenje udarnih rupa

Djelimična sanacija kolovoznih oštećenja i krpjenje udarnih rupa rađena je i tokom 2012. godine. Novac je obezbijeđen je iz budžeta Općine Stari Grad, a asfaltirane su ulice: Sedrenik I bataljon, Ispod oraha, Čavrkov sokak, Sumbul česma, Hasana Kaimije, trotoar u Ulici Kamenica, Nadmejdani, Kračule, At mejdani, Hambina carina, Paje, Dugi sokak i Hrid- kod OŠ "Šejh Muhamed ef. Hadžijamaković", kao i na platou ispred Općine Stari Grad.



Realizovani projekti u 2012. godini

SANACIJA I IZGRADNJA POTPORNIH ZIDOVA

Na području Općine Stari Grad u 2012. godini izgrađeno je i sanirano devet armirano-betonskih potpornih konstrukcija i to u ulicama: Džeka kod broja 75, Podcarina 11, Hambina carina 14b, Zmajevac, Save Skarića, Alije Nametka 42 b, Sulejmana Zolja 1, Bakije sokak i Vinograd 11. Ovi projekti koštali su oko 370.000 KM.

Džeka

Potporni zid u Ulici Džeka kod broja 75 izgrađen je u dužini od 27 i visini od 3,5 do šest metara. Gradnju zida Općina Stari Grad finansirala je sa oko 60.000 KM, a izvođač radova bila je firma "Neimari".

Podcarina

Saniran je potporni zid u Ulici Podcarina broj 11. Riječ je o zidu ispod jedne od saobraćajnica u ovom naselju, a zbog njegove dotrajalosti postojala je opasnost od obrušavanja. Projekat je sa oko 27.000 KM finansirala Općina Stari Grad, a izvođač radova bila je firma "Fain inženjering".



Realizovani projekti u 2012. godini

Hambina carina

Novi armirano-betonski zid izgrađen je u ulici Hambina carina broj 14b. Zid je izgrađen u dužini od 51 metar, a sve u cilju sprječavanja daljeg obrušavanja starog kamenog zida. Sanaciju zida sa oko 36.700 KM finansirala je Općina Stari Grad, a izvođač radova je bila firma "Vindi tip".

Zmajevac

Na Zmajevcu je rekonstruisan potporni zid i izgrađena nova pješačka staza. Vrijednost ovog projekta je oko 57.900 KM i finansirali su ga Direkcija za ceste Kantona Sarajevo sa 40.500 KM i Općina Stari Grad sa 17.400 KM. Izvođač radova bila je firma "Ame".



Realizovani projekti u 2012. godini

Save Skarića

Izgrađen je novi potporni zid u Ulici Save Skarića u Mjesnoj zajednici Mjedenica.

Postojeći dio zida je uklonjen i u dužini od 44 metra izgrađen novi. Gradnju novog zida s 46.000 KM finansirala je Općina Stari Grad, a izvođač radova je bila firma „Džekos“.

Alije Nametka 42b

Izgrađen je potporni zid u Ulici Alije Nametka 42b na području Mjesne zajednice Medrese. Potporni zid dug je 26 metara i visok četiri metra. Izgradnju ovog zida finansirala je Općina Stari Grad sa oko 76.900 KM, a izvođač radova bila je firma „Klico-trans“



Realizovani projekti u 2012. godini

Sulejmana Zolja

Novi potporni zid izgrađen je u ulici Sulejmana Zolja broj 1 u Mjesnoj zajednici Mahmutovac. Armirano betonski potporni zid izgrađen je u dužini od 33 metra i visini od oko 2 metra.

Izvođač radova u ovom projektu bila je firma „Klico trans gradnja“ iz Sarajeva, a rekonstrukciju sa oko 34.000 KM finansirala je Općina Stari Grad.

Vratnički bedem

Saniran je dio Vratničkog bedema koji se nalazi u Ulici Bakije sokak u neposrednoj blizini Strošičke tabije. Sanacija je podrazumijevala popravku kamena na dijelovima gdje je bila ugrožena statika zida. Postojeći kamen, koji nije bio uništen, je vraćen, a na mjestima gdje je nedostajao stavljen je novi. Zid je saniran u dužini od oko 28 metara i visini od dva i po do tri metra. Ovaj projekat s 40.000 KM finansirala je Općina Stari Grad, izvođač radova bila je firma “Neimari”, a nadzor Zavod za zaštitu kulturno-historijskog i prirodnog naslijeđa Kantona Sarajevo.

Sanacija ovog dijela Vratničkog bedema nastavak je projekta koji je počeo 2011. godine, kada je saniran zid u dužini od 55 metara i visini od tri do 4,5 metra. Sanaciju Vratničkog bedema 2011. godine Općina je finansirala s 91.000 KM.



Realizovani projekti u 2012. godini

Vinograd

19.11.2012

Izgrađen je kaskadni potporni zid u ulici Vinograd broj 11 u starogradskoj Mjesnoj zajednici Sumbuluša. Novi zid izgrađen je u dužini od 21 metar i visini od oko 2,5 metra. Izgradnju ovog zida sa oko 28.500 KM finansirala je Općina Stari Grad, a izvođač radova je bila firma "Neimari" d.o.o.

Zimsko održavanje ulica

Općina Stari Grad je u budžetima za 2012. godinu obezbijedila 325.000 KM za zimsko održavanje ulica.



Realizovani projekti u 2012. godini

VODOVODNA I KANALIZACIONA MREŽA

Za postavljanje nove kanalizacije i vodovodne mreže, kao i rekonstrukciju postojeće u 2012. godini uloženo je oko 190.000 KM.

Pogledine

Rekonstrukcija i izgradnja kanalizacije mreže u ulici Pogledine urađena je sredinom augusta.

U ovoj ulici kod broja 1 mještani uopće nisu imali kanalizacionu mrežu, tako da je postavljena nova mreža u dužini od 56 metara. Izgradnja mreže u Ulici Pogledine koštala je oko 25.000 KM. Finansijer je bila Općina Stari Grad, izvođač radova firma "SET Invest".



Baruthana

U ulici Baruthana rekonstrukcija je podrazumijevala izmjenu postojećeg fekalnog sistema i postavljanje novih kanalizacionih cijevi. Postojeći sistem bio je nedovoljan da primi kompletnu odvodnju pa su se fekalije izlile na ulicu. U ulici Baruthana projekat je koštao oko 40.000 KM, a finansijer je bila Općina Stari Grad. Izvođač radova je bila firma "Set Invest".



Realizovani projekti u 2012. godini

Alije Bejtića

Asfaltiranjem Ulice Alije Bejtića okončan je projekat rekonstrukcije vodovodne mreže koji je realizovan na području Mjesne zajednice Babića bašča. Rekonstrukcija vodovodne mreže u ovoj ulici podrazumijevala je raščišćavanje terena, uklanjanje asfalta i iskopavanje zemlje radi postavljanja novih cijevi. Postavljeno je 200 metara distributivne mreže, te priključeno deset domaćinstava na distributivnu mrežu. Za projekat rekonstrukcije vodovodne mreže Općina Stari Grad je izdvojila oko 16.000 KM, dok je za asfaltiranje kompletne ulice oko 30.000 KM. Izvođač radova za rekonstrukciju vodovodne mreže je bila firma „SET INVEST“ iz Sarajeva, a za asfaltiranje KJKP „Rad“.

Toka

Postavljena je nova kišna kanalizacija u Ulici Toka u starogradskoj Mjesnoj zajednici Toka – Džeka. Nakon što je uklonjen stari asfalt u pomenutoj ulici i iskopan rov za glavni kanalizacioni vod, postavljeni su novi slivnici, šahtovi i betonske cijevi. Asfaltiranjem ulice u kojoj su postavljene nove cijevi završen je projekat polaganja nove kišne kanalizacije. Izvođač radova bila je firma „IN“, a projekat je sa oko 47.500 KM finansirala Općina Stari Grad.



Realizovani projekti u 2012. godini

Alije Nametka

Postavljena je nova kanalizaciona mreža u Ulici Alije Nametka u Mjesnoj zajednici Sedrenik. Riječ je o novoj fekalnoj mreži koja je postavljena u dužini od oko 110 metara. Postavljanje nove kanalizacione mreže počelo je 19. marta, 2012. godine. Projekat je sa oko 24.000 KM finansirala Općina Stari Grad, a izvođač radova bila je firma „Set invest“.

Obhodža

Urađen je i projekat odvodnje površinskih voda u Ulici Obhodža u starogradskoj Mjesnoj zajednici Moščanica. Radovi su podrazumijevali iskopavanje, kanalisanje i preusmjeravanje vode u šaht. Ovaj projekat košta oko 3.600 KM i finansira ga Općina Stari Grad. Izvođač radova je KJKP „Rad“.

Kovači – Širokac - Mejdan

Rekonstruisana je kanalizaciona mreža na potezu Kovači – Širokac – Mejdan u Starom Gradu. U svim ovim ulicama postavljen je novi separateni kanalizacioni sistem, nakon čega su ulice i asfaltirane. Projekat rekonstrukcije kanalizacione mreže u Starom Gradu finansira KJKP “Vodovod i kanalizacija” kreditom Svjetske banke, a izvođač radova je firma “Harysco”.



Realizovani projekti u 2012. godini

OSTALI PROJEKTI

Novi poslovni objekat u Starom Gradu

Izgrađen je novi poslovni prostor u Ulici Ćurčiluk mali br. 23. Ranije se na toj lokaciji nalazio stari i dotrajali poslovni prostor. Općina Stari Grad pristupila je uklanjanju tog i izgradnji novog poslovnog prostora s prizemljem i galerijom. Izgradnju novog poslovnog prostora sa 47.600 KM finansirala je Općina Stari Grad, a izvođač je bila firma "Neimari".

Šeher-ćehajina ćuprija

Urađena je sanacija Šeher-ćehajine ćuprije. Sa obje strane mosta postavljene su kamene ćursije (branic) s ciljem sprječavanja prolaska automobila preko njega. Sanacija Šeher-ćehajine ćuprije, jednog od nacionalnih spomenika BiH, podrazumijevala je postavljanje nove hidroizloacije koja će onemogućiti ulazak vode u kamene blokove i pucanje sedre, ugradnju novih kamenih blokova i ograde s obje strane mosta. Izvođač radova u ovom projektu bila je firma "Neimari", dok je nadzorni organ bio Zavod za zaštitu kulturno-historijskog i prirodnog naslijeđa Kantona Sarajevo. Projekat je koštao 32.000 KM od čega je Općina Stari Grad obezbijedila oko 22.000 KM, a preostali dio novca firma "Neimari".



Realizovani projekti u 2012. godini

Stepenište bistričke džamije

Stepenište na ulazu u Gazi Mehmed-begovu džamiju u starogradskom naselju Bistrik je sanirano, a postavljena je i fontana u dvorištu džamije. Na stepenište su postavljene nove ploče, a na samom ulazu nova ograda. Sanacija stepeništa i izgradnja fontane koštala je oko 20.000 KM i projekat je finansirala Općina. Izvođač radova su firma "Bosman" i Zanatska radnja "Topčagić".

Sanirana Abdesthana džamija

Sanirani su munara i krov džamije Šejh Ferah (Abdesthana) u starogradskom naselju Kovači. Munara i krov ove džamije, koja je u martu, 2011. godine, proglašena nacionalnim spomenikom BiH, nastradali su usljed vremenske nepogode. Sanacija je podrazumijevala popravku stropa džamije i zamjenu starih greda. Na krov je postavljena ćeramida, a na munari nova fasada i gromobran.

Za ovaj projekat Općina Stari Grad je s pozicije civilne zaštite obezbijedila 60.000 KM, a izvođač radova bila je firma "Neimari".

Krov i munara džamije Šejh Ferah oštećeni su usljed udara groma u munaru. Komadi fasade s munare obrušili su se na krov i uništili ga.



Realizovani projekti u 2012. godini

Nova stolarija i fasada na Dječjem vrtiću “Biseri”

Postavljanjem nove fasade i stolarije na Dječjem vrtiću “Biseri” okončan je projekat utopljanja ovog objekta.

Svi stari drveni prozori sa ovog objekta su uklonjeni i postavljeni su novi, plastični. Fasada je postavljena na cijelom objektu. Zamjena stolarije i postavljanje nove fasade na Dječjem vrtiću “Biseri” provedeno je u sklopu projekta utopljanja ovog objekta. S novim prozorima i fasadom bit će smanjena potrošnja energije za grijanje.

Projekat utopljanja Dječjeg vrtića “Biseri” koštao je 80.000 KM i zajedno su ga finansirali Ministarstvo prostornog uređenja FBiH s 50.000 i Općina Stari Grad s 30.000 KM. Utopljanje objekta počelo je u junu, a završeno u avgustu 2012. godine. Izvođač radova bila je firma “Fain inženjering”.



Kvalitetnije grijanje u OŠ „Šejh Muhamed ef. Hadžijamaković“

Rekonstruisan je sistem grijanja u Osnovnoj školi „Šejh Muhamed ef. Hadžijamaković“ u mjesnoj zajednici Hrid – Jarčedoli.

Stara razvodna mreža centralnog grijanja je bila dotrajala, pa je rekonstruisana. Staro centralno grijanje bilo je postavljeno dužinom cijele škole ispod betonske ploče i zbog nepristupačnosti bilo je onemogućeno njegovo održavanje. U sklopu rekonstrukcije postavljeno je 500 metara nove centralne mreže grijanja ispod stropa, koje je dostupnije za održavanje, a samim tim i puno kvalitetnije. U sklopu ovog projekta urađena je i zamjena dotrajalih ventila u kotlovnici.

Vrijednost projekta bila je oko 19.200 KM, a finansirali su ga, u omjeru pola-pola, Općina Stari Grad i Ministarstvo obrazovanja i nauke Kantona Sarajevo.



Realizovani projekti u 2012. godini

Prošireno i sanirano igralište “Vrhbosna”

Učenici Osnovne škole “Vrhbosna” dobili su prošireni sportski teren s novom vještačkom travom, spreman za korištenje. Radi se o projektu koji je finansirala Općina Stari Grad, s ciljem stvaranja boljih uslova za rekreaciju djece s područja Mjesne zajednice Moščanica. Postojeći teren u sklopu Osnovne škole “Vrhbosna” je proširen zbog čega se na ovom prostoru izgradio novi potporni zid, izmještena stara ograda i izrađena nova ograda sa stubovima. Nakon tih radova postavljena je vještačka trava visine 50 mm, markiran teren, postavljeni golovi, te uređene tribine. Ukupna vrijednost projekta, kojeg je finansirala Općina Stari Grad, iznosila je 55.983,33 KM. Izvođač radova bila je firma „BOSMAN“ iz Sarajeva.



Novi krovovi na trgovkama koje su stradale u požaru na Baščaršiji

Urađena je sanacija krovova trgovki na Baščaršiji koji su stradali u požaru 07. marta, 2012. godine. U potpunosti je sanirana nosiva krovna konstrukcija, postavljen je daščani pokrov preko krovne konstrukcije, kao i krovna lepenka preko daščane podloge. Postavljeni su oluci od bakarnog lima i ćeramida”.

Sanacija krovova trgovki počela je krajem marta, nedugo nakon što je izbio požar na Baščaršiji u kojem je nastradalo 11 radnji, od čega 7 u vlasništvu Općine. S ciljem pružanja pomoći ljudima koji su imali obrt u ovim trgovkama Općina Stari Grad je obezbijedila 93.120 KM za sanaciju svih uništenih krovova trgovki. Radove je izvodila firma “Neimari”.



Realizovani projekti u 2012. godini

Sanacija dijela MZ Širokača

Nova hidroizolacija postavljena je na oštećenom dijelu Mjesne zajednice Širokača. Šteta sa vanjske strane zida nastala je zbog nepravilne odvodnje površinskih voda.

Radovi su podrazumijevali razbijanje trotoara, malterisanje, postavljanje hidroizolacije, farbanje fasade, te postavljanje plastičnih cijevi i odvod kišnice od oluka prema ulici. Projekat popravke dijela MZ Širokača s oko 2.500 KM finansirala je Općina Stari Grad, a izvođač radova je bila firma "Neimari" iz Sarajeva.

Niše za kontejnere

Nove niše za kontejnere u 2012. godini postavljene su u ulicama Franjevačka kod autopraonice, Ploča kod Muzeja "Alija Izetbegović", Sedrenik do broja 101, Berkuša mala, Carina i Bistrik ispod mosta. Postavljanje niša s 30.000 KM finansirala je Općina Stari Grad.



Realizovani projekti u 2012. godini

Kameno stepenište u Ulici Piruša

05.10.2012.

Obnovljeno je kaldrmisano stepenište u ulici Piruša u starogradskoj Mjesnoj zajednici Kovači. Sanirano je kameno stepenište površine od oko 100 metara kvadratnih. Popravka je podrazumijevala sanaciju gazišta koje je bilo poprilično dotrajalo i obrušavalo se. S obzirom da je ovo stepenište izuzetno frekventno i građani ga vrlo često koriste, Općina Stari Grad se odlučila na njegovu sanaciju. Izvođač radova u ovom projektu bila je firma „EKO-TEH“ iz Sarajeva, a sanaciju sa 7.600 KM finansirala je Općina Stari Grad.



Postavljeni “ležeći policajci” na pet lokacija

16.10.2012

Novi prinudni usporivači vozila tj. “ležeći policajci” postavljeni su ispred osnovnih škola “Šejh Muhamed ef. Hadžijamaković”, “Hamdija Kreševljaković”, “Mjedenica”, “Edhem Mulabdić” i “Mula Mustafa Bašeskija” na Sedreniku.

Riječ je o projektu postavljanja “ležećih policajaca” koji je finansiralo Ministarstvo saobraćaja Kantona Sarajevo.

Vrijednost kompletnog projekta je 62.000 KM, a izvođač radova je KJKP “Rad”.



Realizovani projekti u 2012. godini

Novi ivičnjaci u Ulici Nalina

Postavljeni su novi ivičnjaci u ulici Nalina 9b. Ivičnjaci su postavljeni uz asfaltni kolovoz zbog zaštite stambenih objekata i dvorišta. Ivičnjaci su postavljeni u dužini od 35 metara. Radovi su koštali oko 1.650 KM, a finansirala ih je Općina Stari Grad. Izvođač radova bila je firma „Omnis“.

Numeracija starogradskih ulica

Tokom 2012. godine numerisane su 52 starogradske ulice. U sklopu ovog projekta numerisane su ulice u mjesnim zajednicama Širokača, Toka-Džeka, Hrid-Jarčedoli, Mahmutovac, Sedrenik i Mošćanica. Nove table izradilo je Društvo za zapošljavanje osoba hendikepiranog sluha i govora "Pismolik" i njihovo štampanje sa oko 40.000 KM finansirala je Općina Stari Grad.

Sanacija i održavanje javne rasvjete u Starom Gradu

Urađen je projekat sanacije i održavanja javne rasvjete na području Općine Stari Grad za 2012. godinu. Na području Starog Grada u 2012. godini je postavljeno trideset novih stubova sa svjetiljkama, a zamijenjeno je pedeset svjetiljki koje su bile oštećene ili dotrajale. Prijekat je s 50.000 KM finansirala Općina Stari Grad, a izvođač radova je bila firma „Testing-elektro“ d.o.o.



Realizovani projekti u 2012. godini

RUKOHVATI

U sklopu ovog projekta rukohvati su se postavili na deset lokacija, dok se u ulicama Kovači i Timurhanova uradila sanacija postojećih rukohvata. Na svim lokacijama postavili su se klasični rukohvati od crnih cijevi zaštićenih bojom.

Nove rukohvatne ograde postavljene su u ulicama Žagrići, Komatin, Bostarići, Iza Hrida, Boguševac, Grljića brdo, Timurhanova, Ramića banja, Kovači i Firdus-begova.

Ukupna vrijednost radova iznosila je oko 29.500 KM, a finansirala ih je Općina Stari Grad. Izvođač radova je bila firma Fadž Company d.o.o.



Ograda oko OŠ "Sedrenik"

Nova ograda s kapijama za pješake i vozila postavljena je oko Osnovne škole "Sedrenik".

Postavljanje ograde realizovano je u sklopu vanjskog uređenja ove osnovne škole. Izradu i ugradnju ograde sa oko 28.500 KM finansirala je Općina Stari Grad, a izvođač radova bila je firma "Fadž company".



Realizovani projekti u 2012. godini

POLJOPRIVREDNA PROIZVODNJA

Plastenička proizvodnja

Općina Stari Grad tokom 2012. godine donirala je 15 plastenika domaćinstvima, koja se bave poljoprivrednom proizvodnjom. Za kupovinu ovih plastenika u općinskom budžetu bilo je obezbijeđeno 54.000 KM.

U prethodnom periodu Općina Stari Grad je svojim sugrađanima donirala 75 plastenika i to sve u cilju razvoja i stimulisanja plasteničke proizvodnje.

Popravka plastenika

Općina Stari Grad sa oko 83.000 KM finansirala je opravku 53 plastenika koja su uništena u februaru tokom snježnih padavina. Novac za sanaciju plastenika obezbijeđen je rebalansom budžeta Općine Stari Grad, a odluku o odobravanju novca za popravku plastenika usvojilo je Općinsko vijeće Stari Grad na junskoj sjednici.

Uređen park preko puta slovenačke ambasade

Urađeno je hortikulturno uređenje parka preko puta zgrade Ambasade Republike Slovenije.

Općina Stari Grad ovaj projekat pokrenula je na inicijativu građana Mjesne zajednice Baščaršija koji su tražili uređenje pomenute zelene površine.

Općina je uređenje ovog parka finansirala s oko 14.000 KM, a izvođač radova je bila firma KJKP "Park".



Realizovani projekti u 2012. godini

PROTOKOLARNE AKTIVNOSTI

Bratimili se Stari Grad i Kragujevac

Sporazum o bratimljenju Općine Stari Grad Sarajevo i Grada Kragujevca, potpisali su u nedjelju (21. oktobra, 2012. godine) načelnik Ibrahim Hadžibajrić i gradonačelnik Kragujevca Veroljub Stevanović. Sporazumom je najavljena tijesna i prijateljska saradnja kao nastavak razvijenih kontakata u proteklom periodu između Kragujevca i Starog Grada, sa težnjom da se dosadašnji odnosi dalje produbljuju.

Aleja ambasadora

U 2012. godini Aleja ambasadora je bila bogatija za četiri lipe. "Svoje" lipe si zasadili: hrvatski ambasador Toni Staničić, francuski ambasador Roladn Gilles i ambasador Azerbejdžana Yusif Vazirov.



Realizovani projekti u 2012. godini

SANACIJA RUŠEVNIH OBJEKATA

Općina Stari Grad je i tokom 2012. godine radila zaštitu objekata koji su zbog obrušavanja ili obilnih padavina predstavljali opasnost za pješake. Sve intervencije urađene su na osnovu odluke Službe za civilnu zaštitu.

Prijeka česma

Postavljene su potporne konstrukcije na objektu u Ulici Prijeka česma broj 22. Kuća u Ulici Prijeka česma je napuštena i u ruševnom je stanju. Zbog obilnih snježnih padavina kuća se već počela urušavati. Kuću su od daljnjeg obrušavanja zaštitili su uposlenici firme „HISE A i A“, a ovu aktivnost sa oko 1.000 KM finansirala je Općina Stari Grad.



Nadmejdan

U ulici Nadmejdan broj 7, nalazi se objekat koji uz cestu i bilo je neophodno poduzeti mjere, te je Općina postavila zaštitnu mrežu da bi ga zaštitila od daljeg obrušavanja.



Realizovani projekti u 2012. godini

Pastrma 40

Uklonjen je ruševni zid koji se obrušavao na ulicu kojom prolaze učenici i stanovnici.

Nakon što je zid uklonjen na zemlju je postavljena zaštitna mreža kako bi bilo spriječeno njeno obrušavanje na ulicu.

Uklanjanje zida sa oko 4.300 KM finansirala je Općina Stari Grad, a izvođač radova je firma „Hise A&A“.

Sumbul česma

S ruševne i napuštene kuće u Ulici Sumbul česma 20 uklonjen je dimnjak i na njegovo mjesto postavljene su daske i lepenka, zamijenjen je dio crijepa na krovu i prezidan jedan zid. Općina je zaštitu objekta u ovoj ulici finansirala sa oko 1.200 KM.

Kamenica

Postavljanjem drvene konstrukcije zaštićeno je i obrušavanje napuštenog objekta u ulici Kamenica 51 i svi ruševni dijelovi krova, koji su predstavljali opasnost za prolaznike, su uklonjeni. Zaštita ovog objekta koštala je oko 1.300 KM.

Okrugla

Zaštitne mreže postavljene su na sprat objekta u Ulici Okrugla 36 i na zid od dvorišta u ulici Okrugla 38. Zaštita oba objekta koštala je oko 2.600 KM.



Realizovani projekti u 2012. godini

Ferhadija - sanacija tri balkona

Obilne snježne padavine, snježni nanosi i ledenice zajedno s nadstrešnicom pali su na tri balkona u Ferhadiji br 33 i uništili ih. Snijeg i led polomili su ograde i staklo na sva tri balkona. Popravku tri balkona finansirala je Općina Stari Grad sa 1.430,58 KM, a izvođač radova bila je firma „Izobau sod“.

Sanacija dijela krova i unutrašnjosti prostorija MZ “Kovači”

Izvršena je sanacija dijela krova i unutrašnjosti prostorija Mjesne zajednice “Kovači”, koja se nalazi u objektu čiji je upravitelj Sarajevostan. Štete na krovnoj konstrukciji uzrokovane su elementarnom nepogodom koja se desila u februaru 2012. godine. Vrijednost radova je 2.850 KM.

Sanacija fasade stare zgrade u Ulici Pehlivanuša 1a

Izvršena je sanacija fasade stare zgrade u Ulici Pehlivanuša 1a. Fasada sa ove zgrade, zbog dotrajalosti, prijetila je obrušavanjem na saobraćajnicu što je predstavljalo opasnost za pješake i vozila. Sanaciju fasade sa oko 3.000 KM finansirala je Općina Stari Grad, a projekat je implementiralo preduzeće „Sarajevostan“.



Realizovani projekti u 2012. godini

Sanacija i održavanje javne rasvjete u Starom Gradu

Proveden je projekat sanacije i održavanja javne rasvjete na području Općine Stari Grad za 2012. godinu. Izvršeno je postavljanje novih stubova sa svjetiljkama, te sanacija i zamjena svjetiljki. "Na području Starog Grada u 2012. godini je postavljeno trideset novih stubova sa svjetiljkama, a zamijenjeno je pedeset svjetiljki koje su bile oštećene ili dotrajale", pojasnili su u Službi za komunalne poslove i investicije Općine.

Prijekat je s 50.000 KM finansirala Općina Stari Grad, a izvođač radova je bila firma „Testing-elektro“ d.o.o.

